



OFISA O FUAINUMERA FAAMAUINA

FEFAATAUAIGA O OLOA MA ATUNUU I FAFO Kuata o Iuni 2019

Otootoga ole Kuata


(Kuata o Iuni 2019 faatusa i le kuata o Mati 2019)

- Tau aofai o oloa auina atu na siitia i le 4.2 pasene (i le \$31.96 miliona).
- Tau aofai o oloa auina mai na sittaa i le 12.7 pasene (i le \$255.7 miliona).
- Paleni o fefaatauaiga na faamauina le eseese (gau) e \$223.7 miliona.

Aotelega

Tau Aofai o Oloa auina atu

I le kuata o Iuni 2019, na faamauina ai le tau aofai o oloa auina atu e \$31.96 miliona. O leni tau aofai na siitia i le 4.2 pasene mai i le kuata taluai ma le 23.6 pasene mai i le kuata o Iuni 2018. (Tagai ile kalafi 1).



Faamaumaga: Ofisa o Fuainumera Faamauina

O le fa kuata e faaiuina ia Iuni 2019 na faamauina, e 34.4 pasene le siitia o le tau aofai o oloa auina atu faatusa i le fa kuata e faaiuina ia Iuni 2018.

Oloa autu auina atu

I le kuata o Iuni 2019, o oloa o l'a ma figota (fish crustaceans and molluscs) na faatumauina pea le aveva ma oloa autu aupito sili ona telē le tau aofai

(\$8.6 miliona) i oloa uma na auina atu. Na pa'ū i le 11.3 pasene mai i le kuata taluai ae siitia i le 54.6 pasene faatusa i le kuata o Iuni 2018.

O oloa o suau'u (mineral oils and products) na sosoo ai, e \$7.6 miliona le tau aofai, siitia i le 6.5 pasene mai i le kuata taluai ae pa'ū i le 2.0 pasene faatusa i le kuata o Iuni 2018.

O oloa gaosi mai i fualaau faisua, fualaau aina ma fatu (preparations of vegetables, fruit and nuts) na pa'ū i le 5.8 pasene (i le \$5.1 miliona) le tau aofai mai i le kuata taluai. O le mafuaaga autu o leni pa'ū ona o le pa'ū maualalo o le tau aofai o oloa o suānonu (pau i le \$1.9 miliona) auina atu. Pe a faatusa i le kuata o Iuni 2018, e fa'atoluina le maualuga.


O oloa o l'o o laau aina (vegetables) na siitia i le 21.1 pasene (i le \$2.1 miliona) le tau aofai mai i le kuata taluai. O le mafuaaga autu o leni siitia ona o le siitia o le tau aofai o talo (siitia i le \$355.4 afe) auina atu. Pe a faatusa i le kuata o Iuni 2018 e siitia i le 5.8 pasene.

O oloa o masini tetele faaogaina ai le eletise ma mea faigaluega (electrical machinery and equipment) e \$1.9 miliona le tau aofai. Na siitia i le 86.2 pasene mai i le kuata taluai ae faaluaina le maualuga faatusa i le kuata o Iuni 2018 ona o le siitia maualuga o le tau aofai o uaea gaosi mo taavale ma vaalele (ignition wiring sets for vehicles and aircrafts) auina atu.

O oloa o vaiinu, ava malosi ma vineka (beverage, spirit and vinegar) auina atu e \$1.5 miliona le tau aofai, siitia i le 63.3 pasene mai i le kuata taluai ona o le siitia maualuga o le tau aofai o oloa o pia na auina atu (siitia i le \$446 afe). Pe a faatusa i le kuata o Iuni 2018, e faaitiitia i le 17.2 pasene.

O oloa o ga'o ma suau (fats and oil) e \$1.3 miliona tala le tau aofai, siitia i le 14.4 pasene mai i le kuata taluai ae toeitiiti faatoluina le maualuga faatusa i le kuata o Iuni 2018. O isi oloa uma e i lalo ifo o le 3.0 pasene le sao i le tau aofai o oloa uma auina atu na tuufaatasia ma maua ai le aofaiga e \$3.8 miliona tala. (Tagai i le kalafi 2)

**Kalafi 2. Oloa Autu auina atu
Kuata o luni 2019**



Faamaumauga: Ofisa Fuainumera Faamauina

Itulagi na auina atu ai oloa


O le itulagi o Oseania na faamauina le telē o le sao (71.0 pasene) i le tau aofai o oloa uma na auina atu i le kuata o luni 2019. E siitia i le 17.5 pasene mai i le kuata taluai ma le 31.5 pasene mai i le kuata o luni 2018.

O Asia e 15.4 pasene, siitia i le 23.2 pasene mai i le kuata taluai ma le 15.1 pasene mai i le kuata o luni 2018.

O Amerika e 12.9 pasene, pa'ū i le 41.3 pasene mai i le kuata taluai ae siitia i le 0.5 pasene faatusa i le kuata o luni 2018.

O Europa e 0.7 pasene, faaitiitia i le 34.5 pasene mai i le kuata taluai ae siitia i le 0.3 pasene faatusa i le kuata o luni 2018. O Aferika na aupito sili ona laititi le sao (0.01 pasene). (Tagai i le kalafi 3).

**Kalafi 3: Itulagi na auina atu ai Oloa
Kuata o luni 2019**



Faamaumauga: Ofisa Fuainumera Faamauina

Atunuu autu na auina atu ai oloa

O Amerika Samoa o loo taimua pea i atunuu uma na auina atu ai oloa i le kuata o luni 2019, e tusa o le 24.3 pasene (\$7.8 miliona) o le tau aofai o oloa uma auina atu. Na faamauina le pa'ū e 8.7 pasene mai i le kuata taluai ae siitia i le 60.9 pasene faatusa i le kuata o luni 2018.

O Niu Sila na sosoo ai e 17.8 pasene (\$5.7 miliona), siitia i le 23.0 pasene mai i le kuata taluai ma le 19.2 pasene mai i le kuata o luni 2018.


O Amerika e 11.5 pasene (\$3.5 miliona), faaitiitia i le 38.6 pasene mai i le kuata taluai ma le 8.6 pasene mai i le kuata o luni 2018.

O Ausetalia e 11.0 pasene (\$3.5 miliona tala), siitia i le 35.5 pasene mai i le kuata taluai ma le 3.6 pasene mai i le kuata o luni 2018.

O Toelau e 9.1 pasene (\$2.9 miliona tala), siitia i le 14.8 pasene mai i le kuata taluai ae faaitiitia i le 6.9 pasene faatusa i le kuata o luni 2018.

O Taiwan e 5.2 pasene (\$1.7 miliona tala), ae o isi atunuu uma e i lalo ifo o le 3.0 pasene le sao i le tau aofai o oloa uma auina atu na tuufaatasia ma maua ai le aofaiga e 21.1 pasene. (Tagai i le kalafi 4).


**Kalafi 4: Atunuu autu auina atu ai Oloa
Kuata o luni 2019**



Faamaumauga: Ofisa o Fuainumera Faamauina

Tau Aofai o Oloa auina mai

I le kuata o luni 2019, ole tau aofai o oloa auina mai e \$255.7 miliona. O leni tau aofai na siitia i le 12.7 pasene mai i le kuata taluai ma le 12.3 pasene mai i le kuata o luni 2018. O le mafuaaga autu o leni siita ona o le siitia maua luga o le tau aofai o oloa o taavale, totoga ma vaega faaopoopo (siitia i le \$13.3 miliona) ae na faaitiitia le siitia maua luga ona o le pau maua lalo o le tau aofai o oloa o suauu (mineral fuels) (faaitiitia i le \$12.9 miliona). (Tagai i le kalafi 5).



Faamaumauga: Ofisa Fuainumera Faamauina

O le fa kuata e faaiuina ia Luni 2019 na faamauina le siitia e 10.2 pasene faatusa i le fa kuata e faaiuina ia Luni 2018.

Oloa autu auina mai

O oloa o suauu (mineral fuels, mineral oils and products) na faatumauina pea le avefa ma oloa autu aupito sili ona telē le tau aofai (\$35.6 miliona) i oloa uma auina mai e ui na pa’ū i le 26.8 pasene mai i le kuata taluai ma le 25.3 pasene mai i le kuata o Luni 2018.

O oloa o taavale, totoga ma vaega faapoopo (vehicle, parts and accessories) e \$30.5 miliona le tau aofai, siitia i le 77.4 pasene mai i le kuata taluai ma le 77.8 pasene mai i le kuata o Luni 2018. O lenei siitia na mafua mai i le maualuga o le tau aofai o oloa o taavale auina mai mo Taaloga o le Pasefika (SPG).


O oloa o aano ma totoga aina o manufasi (meat and edible meat offal) e \$17.5 miliona, (e tusa o le 6.8 pasene o le tau aofai o oloa uma auina mai), siitia ile 59.2 pasene mai i le kuata taluai ma le kuata 17.3 pasene mai i le kuata o Luni 2018.

O oloa o masini faaagaina le eletise ma mea faigaluega (electrical machinery and equipment) e \$15.8 miliona le tau aofai (e tusa o le 6.2 pasene o le tau aofai o oloa uma auina mai). E pa’ū i le 18.2 pasene mai i le kuata taluai ae siitia i le 6.1 pasene faatusa i le kuata o Luni 2018.

O oloa o masini tetele ma mea faigaluega (mechanical machinery and equipment) na siitia i le 55.6 pasene le tau aofai (i le \$14.6 miliona) mai i le kuata taluai, e tusa o le 5.7 pasene o le tau aofai o oloa uma auina mai. Pe a faatusa i le kuata o Luni 2018, e siitia i le 20.7 pasene.

O oloa o apa ma uamea (iron and steel) e \$11.9 miliona le tau aofai (e tusa o le 4.6 pasene ole tau aofai o oloa uma auina mai), pau i le 23.1 pasene mai i le kuata taluai ae siitia i le 4.1 pasene mai i le kuata o Luni 2018.

O oloa laupapa (\$8.7 miliona), oloa tau susu \$8.5 miliona), ma oloa o una (7.9 miliona) na faamauina le siitia o tau aofai mai i le kuata taluai. O isi oloa e i lalo ifo o le 3.0 pasene le sao i le tau aofai o oloa uma auina mai na tuufaatasia ma maua ai le tau aofai e \$104.7 miliona (40.96 pasene). (Tagai i le kalafi 6)




Faamaumauga: Ofisa o Fuainumera Faamauina

Itulagi na auina mai ai oloa

I le kuata o Luni 2019, na faamauina o Asia na aupito sili ona tele lona sao i le tau aofai o oloa uma auina mai (46.2 pasene), siitia i le 2.2 pasene mai i le kuata taluai ma le 14.5 mai i le kuata o Luni 2018.

O Oseania e 43.2 pasene, siitia i le 19.3 pasene mai i le kuata taluai ma le 8.4 pasene mai i le kuata o Luni 2018.

O Amerika e 9.3 pasene, Europa e 1.2 pasene ma Aferika e 0.01 pasene. (Tagai i le kalafi 7).



Faamaumauga: Ofisa o Fuainumera Faamauina

Atunuu autu na aumai ai oloa

O Niu Sila o loo taimua pea i atunuu uma na auina mai ai oloa i le kuata o Luni 2019, e tusa o le 26.6 pasene (\$67.9 miliona) o le tau aofai o oloa na auina mai ai. Na siitia i le 15.2 pasene mai i le

kuata taluai ma le 3.3 pasene mai i le kuata o Luni 2018.

O Saina e 18.4 pasene, siitia i le 54.6 pasene mai i le kuata taluai ae faatoluina le maualuga faatusa i le kuata o Luni 2018.

O Sigapoa e 12.8 pasene, pa'ū i 26.7 mai i le kuata taluai ma le 29.0 pasene mai i le kuata o Luni 2018.


O Ausetalia e 9.6 pasene, siitia i le 21.7 pasene mai i le kuata taluai ma le 9.4 pasene mai i le kuata o Luni 2018.

O USA e 8.9 pasene, siitia i le 59.9 pasene mai i le kuata taluai ma le 26.0 pasene mai i le kuata o Luni 2018.

O Fiti e 6.4 pasene, siitia i le 33.6 pasene mai i le kuata taluai ma le 29.4 pasene faatusa i le kuata o Luni 2018.

O Hong Kong e 4.1 pasene, pa'ū i le 21.2 pasene mai i le kuata taluai ae siitia i le 12.3 pasene faatusa i le kuata o Luni 2018.


O Iapani e 3.0 pasene ae o isi atunuu uma na auina mai ai oloa e lalo ifo ole 3.0 pasene le sao i le tau aofai o oloa uma auina mai na tuufaatasia ma maua ai le aofaiga e 10.3 pasene. (Tagai i le kalafi 8).



Faamauga: Ofisa Fuainumera Faamauina

Paleni o Fefaatauaiga o oloa

I le kuata o Luni 2019, ole tau aofai o oloa auina mai (\$255.7 miliona) ua sili atu i le tau aofai o oloa auina atu (\$31.96 miliona), faamauina ai le eseese (gau) e \$223.7 miliona o le paleni o fefaatauaiga o oloa. (Tagai i le kalafi 9).



Faamauga: Ofisa o Fuainumera Faamauina

O le ripoti o Fefaatauaiga o Oloa mo le kuata o Setema 2019 ua fuafuaina e faalauiloa ia Tesema 24, 2019.

N. Edith Taosoga-Faola
Mātaao Edith N Taosoga-Faola
ACTING GOVERNMENT STATISTICIAN